

增修萬縣志卷三十五

士女志

流寓

岑道顯 木江陵人隋末避亂沂江而上至南浦愛石龕幽靜遂居其下片衣粒食悉無所營時已百餘歲肌膚若冰雪宴坐二十年兀然化去郡人慕公塑像龕間名所居巖曰岑公洞宋熙甯十年南浦大旱守臣虔禱得雨請於朝贈冲妙大師虛鑒真人

李白 字太白彰明人往來夔州題詠甚多萬邑西

萬縣志

卷三十五

士女志 流寓

一

山名太白巖相傳太白讀書於此有大醉西巖一語棋之句距巖數里有天仙橋亦以謫仙曾經得名後人於巖置祠以祀明曹學佺有太白祠記

文安之 舊郡志號鐵菴明天啟間翰林崇禎時任國子監祭酒永明王授以大學士督師入蜀欲連絡十六鎮而時局已不可為國亡僑寓萬縣閉戶正襟危坐焚香讀書不預世事終身焉

來知德 舊郡志字矣鮮號瞿唐梁山人性至孝中

明嘉靖壬子科鄉試兩赴春闈不第遂焚其引銘曰

願學孔子寄居瞿唐又居萬縣南山之求溪虬澗學
易潛心二十九年不避寒暑發明先聖及關閩濂洛
諸子微旨著有易經註

國朝趙柱史宋直指見而奇之因與四川總督王象乾
貴州巡撫郭子章交疏薦舉奉

旨授添注翰林待詔知德具疏辭官以原授職銜致仕著
述甚富要以易註爲見道之書學者稱瞿唐先生

萬縣志

卷三五

士女志

流寓

二

